

Na osnovu člana 29. Statuta Udruženja „Obrazovanje gradi Bosnu i Hercegovinu“, uz saglasnost Upravnog odbora, a u vezi stipendiranja studenata iz Fonda „Pavao Jusuf Urban-Ibruljević“, izvršni direktor d o n o s i

P R A V I L N I K
o utvrđivanju uslova, kriterija i postupka za dodjelu stipendija
studentima iz Fonda „Pavao Jusuf Urban-Ibruljević“

Član 1.

Ovim pravilnikom utvrđuju se uslovi, postupak i kriteriji za dodjelu i isplatu stipendija studentima koji su tokom rata u Bosni i Hercegovini izgubili roditelje, invalidnim, civilnim žrtvama rata, talentovanim, romskim, i studentima u stanju socijalne potrebe.

Član 2.

Uslovi za prijavljivanje kandidata na konkurs:

- 1) da su državljani Bosne i Hercegovine
- 2) da imaju mjesto prebivališta na teritoriji Bosne i Hercegovine
- 3) da redovno pohađaju fakultet na teritoriji Bosne i Hercegovine
- 4) da nisu korisnici stipendije ili druge novčane podrške
- 5) da u predhodnoj akademskoj godini imaju ostvaren prosjek ocjena najmanje 8,5, a za kandidate koji upisuju prvu godinu studija da su tokom srednjoškolskog školovanja ostvarili uspjeh 5 (odličan)

Član 3.

Stipendije se dodjeljuju na period od 5 godina (3+2) redovnog studija, u iznosu 120 KM mjesečno u periodu od deset mjeseci jedne akademske godine.

Pored stipendije korisniku će se u svakoj akademskoj godini podijeliti određen broj udžbenika.

Član 4.

Prijavu za dodjelu stipendije kandidati dostavljaju na posebnom obrascu objavljenom na www.ogbh.com.ba

Član 5.

Uz prijavu kandidati su dužni priložiti slijedeću dokumentaciju:

- Uvjerenje o upisu na fakultet u 2012./2013. akademskoj godini
- Dokaz o uspjehu u srednjoj školi, odnosno predhodnoj akademskoj godini:
 - za studente prve godine studija-svjedočanstva o uspjehu u srednjoj školi (ovjerene kopije)
 - za studente od druge godine studija-uvjerenje o ocjenama iz predhodne godine studija
- Izvod iz matične knjige rođenih (original ili ovjerena kopija)
- Uvjerenje o državljanstvu ne starije od šest mjeseci (original ili ovjerena kopija)
- Prijava prebivališta (ne starija od 30 dana)
- Kućna lista ovjerena u općini/opštini
- Izjava da kandidat ne prima stipendiju ovjerena u općini/opštini
- Za zaposlenog roditelja/staratelja platnu listu ili potvrdu od poslodavca o primanjima
- Za nezaposlenog roditelja/staratelja potvrdu od zavoda za zapošljavanje
- Za roditelja/staratelja penzionera ček od posljednje penzije (ovjerena kopija)
- Dokaz o smrti-pogibiji roditelja
- Dokaz o invalidnosti kandidata
- Dokaz o osvojenom jednom od tri prva mjesta na regionalnim, međudržavnim i državnim takmičenjima
- Dokaz o statusu civilne žrtve rata
- Dokaz o statusu socijalno ugrožene kategorije porodice
- Dokaz o aktivnosti u lokalnoj zajednici, odnosno nevladinoj organizaciji

Član 6.

Kriteriji za bodovanje kandidata

6.1. Bodovanje po osnovu uspjeha-prosjeka ocjena na fakultetu

8,5.....10 bodova
8,6 i više.....30 bodova

6.2. Bodovanje po osnovu socijalno-ekonomske situacije, odnosno primanja domaćinstva

Do 50 KM.....40 bodova
Od 51 do 100 KM.....30 bodova
Od 101 do 150 KM.....20 bodova
Od 151 do 299 KM.....10 bodova
Preko 300 KM.....0 bodova

6.3. Bodovanje po osnovu stepena invaliditeta/oštećenja

Od 60 % do 80 %.....10 bodova
Od 80 % do 100 %.....20 bodova

6.4. Bodovanje po osnovu uspjeha na takmičenjima, prema takmičarskim nivoima

6.4.1. Regionalna takmičenja:

I mjesto.....70 bodova
II mjesto.....50 bodova
III mjesto.....30 bodova

6.4.2. Međudržavna takmičenja:

I mjesto.....50 bodova
II mjesto.....30 bodova
III mjesto.....20 bodova

6.4.3. Državna takmičenja:

I mjesto.....30 bodova
II mjesto.....20 bodova
III mjesto.....10 bodova

6.4.4. Aktivnost u lokalnoj zajednici, odnosno nevladinoj organizaciji...10 bodova

Talentovani i kandidati posebnim nadarenostima u oblasti obrazovanja, nauke, kulture, umjetnosti i sporta, pored dokumenata iz člana 5. ovog pravilnika dužni su dostaviti: ovjerene kopije diploma, priznanja sa regionalnih, međudržavnih i državnih takmičenja.

Član 7.

U slučaju da se naknadno utvrdi da su podaci iz člana 5. ovog pravilnika netačni, automatski se korisniku prekida isplata stipendije.

Član 8.

Zaprimljene prijave razmatrat će komisija Udruženja i na osnovu kriterija iz ovog pravilnika vršit će bodovanje.

Član 9.

Nakon izvršenog bodovanja komisija Udruženja će sastavi rang listu kandidata prema ostvarenom broju bodova radi donošenja odgovarajućih rješenja.

Član 10.

Kod dodjeljivanja stipendija prioritet će imati kandidati:
-koji pokazuju bolji uspjeh u školovanju,
-kod kojih je nepovoljnija socijalno-ekonomska situacija domaćinstva.

Član 11.

U slučajevima kada je broj bodova izjednačen prednost imaju kandidati koji su stipendiju koristili u prethodnoj školskoj/akademske godini ukoliko uz prijavu za stipendiranje prilože konkursom tražene dokumente.

Član 12.

U slučajevima kada iz jednog domaćinstva ima više kandidata za dodjelu stipendije, stipendija će se dodijeliti samo jednom kandidatu.

Član 13.

Korisnici stipendije obavezni su pridržavati se Pravila ponašanja stipendista Udruženja „Obrazovanje gradi BiH“, broj: 2-93/04 od 07.10.2011. godine, uz obavezu plaćanja godišnje članarine u iznosu od najmanje 50 KM.

Član 14.

U slučaju prekida redovnog školovanja korisniku se obustavlja isplata stipendije.

Član 15.

Ovaj pravilnik stupa na snagu danom donošenja.

Član 16.

Izmjene o dopune ovog pravilnika vršit će se kao na način njegovog donošenja.

Broj: 2- 105/12
Sarajevo, 27.09.2012.

IZVRŠNI DIREKTOR

Jovan Divjak